

杭州府志卷一百四十一



人物七 義行一

晉

孫拯字顯世富春人能屬文仕吳爲黃門郎孫皓世侍臣多得罪拯以智全吳平後爲涿令有稱績成都王穎以陸機參大將軍軍事表爲平原內史太安初穎與河間王顥起兵討長沙王乂假機後將軍河北大都督拯爲司馬陸機旣爲宦人孟玖等所誣收拯考掠兩踝骨見終不變詞門生費慈宰意二人詣獄明拯拯譬遣之曰吾義不可誣枉知故卿何宜復爾二人曰僕亦安得負君拯

遂死獄中而慈意亦死

晉書陸機傳

杭州府志

卷一百四十一

義行一

宋

范叔孫錢塘人少仁厚周窮濟急同里范法先兄弟七人同時疫死唯餘法先病又危篤喪尸經日不收叔孫悉備棺器親爲殯埋又同里施淵夫疾病父母死不殯范苗父子並亡范敬宗家口六人俱得病二人喪沒親鄰畏遠莫敢營視叔孫並爲殯葬躬卹病者並皆得全鄉曲貴其義行莫有呼其名者宋孝武孝建初除竟

陵王國中軍將軍不就

宋書南史孝義傳

梁

范元琰字伯珪錢塘人父靈瑜居憂毀卒元琰時童孺哀慕盡禮親黨異之及長好學博通經史兼精佛義家貧唯以園蔬爲業嘗

偶出行見人盜其崧元琰遽退走母問其故具以實答母問盜者爲誰答曰向所以退畏其媿恥今啟其名願不泄也於是母子秘之或有涉溝盜其筍者元琰因伐木爲橋以渡之自是盜者大慙一鄉無復草竊居常不出城市獨坐如對嚴賓見者莫不改容正

色卒年七十

梁書處士傳南史隱逸傳

後梁

褚雅字元道錢唐人梁末隱句曲山中輕財重施拯物無厭營田若熟以乞貧者與人共居常早起灑掃取水徧以周給覓樵薪乞人夏月種瓜恣啜者來取行之終身如一日

茅山志

吳越

杭州府志

卷一百四十一

義行一

二

張儼餘杭人好學有賢德不樂榮利嘗開圃種菑以所貿錢造橋

俗謂葫蘆橋

咸淳志

宋

焦中山鹽官人素好義自雍熙四年尸祝許睢陽至天聖九年遂捨地祠張許竝塑其象時王可回曰中山一邑義士因名其坊曰

忠義

海甯縣志

王復錢唐人多伎能而醫尤精期於活人不志於利築室候潮門外治園圃作亭榭與賢士大夫遊惟恐不及然終無所求蘇軾嘗云人徒知其接花秬果之勤而不知其所種者德也乃以種德名其亭而遺以詩

咸淳志

俞舉善錢唐人累世同居號義門明道二年旌表門閭咸淳志

葉曙字杲卿錢唐人授桂州司法家故饒財諸弟盡用之而求異籍曙喟然曰家事至此絲吾祿不足以聚親族耳汝曹何咎有吳謚爲象州武化令而死其妻挈二女歸閩至桂而妻又死曙爲置

地合窆之哀其二女無歸娶爲二子婦兩浙名賢錄 浙江通志

何押錄餘杭縣吏佚其名自壯歲爲小胥馴至押錄持心近恕略無過愆前後縣宰深所倚信兼領開拆每受訟牒坐於門一一取閱有挾詐姦欺者以忠言反覆勸曉之曰公門不可入所陳旣失實空自貽悔何益也聽其言去者甚衆民犯罪麗於徒刑合解府問顧其情理非重必委曲白宰就縣斷治其當杖者又往往諫之

杭州府志 卷一百四十一 義行一

三

使寬嘗置二竹筒於堂時擲三兩錢或一錢於筒中諸子竟不深曉迨謝役壽終始告之曰吾免一人徒罪則投一光錢於左筒免一杖罪及諭解一訟則投一縑錢於右筒剖之皆充滿無餘地遂卒後十年子鑄登政和五年進士紹興中位至執政累贈其父太

子少師夷堅志

呂思恭字禮夫錢唐人幼失父事母色養無所不至積官至修武郎與人交務施而不責報人以匱告多輟已所有畀之有所予惟恐他人知人或負之輒自責曰某事似有愧宜得此行孚於人翁然無間及卒中外聞見咸痛如至親廢卒二百相弔曰捐當取之金以惠其下惟公里閭相告語嘗起母病折券以利我城東民相

謂甲辰之役吾輩不腐齒公實生我其懿德如此

陳造撰墓志

蔣崇仁郡人居興德坊喜賑施每秋成儲穀如原直售之且聽糴者自量或捐與飢者終時屬二弟崇義崇信力行善事里人德而

祀之

西溪梵隱志

元

應普字德施錢塘人宋德祐時官武進校尉至元間凡有仕籍者往往持故告身詣京師乞換授普獨晦匿不肯自言錢冠大幫道遙城市中日以教子弟接賓客爲事閭巷細人無以自業者時貸以錢而不責其息人多德之

黃潛撰墓志

范思明錢塘人爲世醫仁厚存心信誼及物岳東伯之子患疹危

杭州府志

卷一百四十一

義行一

四

天且霖雨致思明療之輒苦雨思明不以雨辭至則衣帽霑濡無難色兒賴其醫而瘳東伯德之徵言徐一夔以報爲作述德一篇亦述其兄思賢之療其子十里許戴笠披毳跨款段往一劑而愈思賢既復姓名爲吳觀善隱東皋而思明爲范氏世醫今貢院西有范郎中巷卽其故居

武林文獻志

朱慶宗杭人捐田二百七十有五畝歸西湖書院著令減其租什二實爲米一百三十有二石請別儲之以待書庫之用毋移他費凡書板之剝缺者補治之外誤者刊正之未備者增益之宋刻經史羣書書庫官掌之者皆完其舊

黃潛撰西湖書院田記

何敬德杭人時稱何長者大德十一年大飢官設粥仙林寺飢民

多殍敬德約同志五六人卽菩提寺設粥夜置大甕明日飢民至先後列堂廡下或溢出門外道上相向坐虛其前以行粥用兩人界一人執杓注器食已以次去日煮米七八石至十石始六月至八月飢民無死者石塘胡長孺曰往歲湖州作糜食飢糜脫釜猶沸人亟得食食已輒仆百步閒長者預貯大甕蓋懲湖州事也

蓉塘

詩話

孫子耕杭人與新城豪民駱長官爲友元統間駱犯罪流奴兒干

子耕送至肇州而回交誼如此不減古人

楊璃山居新話

羅世榮字國器錢塘人後至元二年爲行金玉府副總管有匠者慢工案具而恕之同僚詢其故世榮曰吾聞其新娶若撻之其舅

杭州府志

卷一百四十一

義行一

五

姑必以婦爲不利口舌之餘則有不測之事存焉姑寬之衆仰其

用心之仁

山居新話

周綬字廷章餘杭人年十七父歿理家事踰於老成獨逋負卹困窮內外咸稱美之至正初天下大亂盜賊蠭起綬世居免函居民扶老攜幼避去家人亦將作裝綬毅然曰吾先人墳墓在是避將安之汝輩自去吾當死守衆感而止遂散家貲募鄉里少壯爲團結義保之法民始有固志

續餘杭縣志

凌善之號草庭新城人元季隱居不仕讀書飲酒嘯傲自若至正間歲大饑乃傾資煮粥以濟貧餒人有逋負悉焚其券鄉人德之

康熙志

王一山杭人世業儒杭有巨室怙財挾勢虐害良善有司莫敢誰
何衆訴憲府巨室逃匿憲使怒示揭隱藏者罪連坐首捕者賞萬
緡一山其友藏彼於密暮月不發鄰家報官搜索得之併逮繫一
山囚見憲使問之曰朋友顛連來奔乘其危以售之則名教中有
所不容某誠弗忍爲事覺連坐乃甘心焉使悚然曰君子所謂臨
難苟免其人踐之矣真義士也若加以罪是吾政苛而刑濫民
何以勸遂釋之

輟耕錄

賈銘字文鼎海甯人元季以貲雄海上爲萬戶長性好客能拯人
之急有劇孟郭解風一詩名士如胡隆成鮑恂輩咸歸之劉基未
遇時亦客其家銘壽百有六歲子執中承父志建義塾於家奉先

杭州府志

卷一百四十一

義行一

六

聖象配列諸賢後立講堂附從祀主備禮器倉庾庖湏所儲經史
百家言割贍田八百畝聘名師教邑子弟鄰郡士聞風而來相與
講義至正十八年事聞授執中山長劉基爲撰義塾序弟用中捨
田百畝入儒學州牧上其事於郡先是州人士未有與計借者至
正十九年用中二子祥麟祥鳳俱中式

萬曆志海甯縣志

馬宣教佚其名以行稱萬十一其先汴人宋靖康閒扈從南遷徙
居鹽官黃灣里煮海致富值歲祲羣瀆丁將散去宣教出粟賑貸
猶不贍變產殖以活之已而家益饒輿黃岡賈氏兄弟竝以貲甲
一郡復起樓聚書萬卷延徐一夔貝瓊諸名儒教其子弟亦同賈
氏義塾云時元末兵起張士誠據吳方國珍據越所在殘破而靈

泉一鄉獨全則宣教保障之功居多

海甯縣志

何宗實其先由東平徙杭遂爲杭人仁孝慈愛所得俸奉母外以覃於族兄宗茂同居無間言妹適戴氏戴沒給養其家子女爲之嫁娶鄰婦有哭甚哀者問之喪其良人貧無以治棺卽賻之他日婦至請傭以償值曰周汝急豈望報乎婦謝而去

楊維楨撰墓志

朱景仁海甯人事父母以孝聞有異母兄二事之甚恭同居共爨待宗族外嫻皆有恩篤交遊元季四方衣冠之士避地海甯者景仁悉解衣推食與同甘苦屢徵不就自號貞白道人

兩浙名賢錄

周天祐杭人居家以孝聞產頗饒推恩宗族殯無歸者五喪嫁甥女之貧而孤者薦授崇德州倅不赴築室漁溪之上耕釣自適或

杭州府志

卷一百四十一

義行一

七

里中有爭者輒喻解之人爲無訟

貝瓊撰墓志

夏應祥錢塘人元置行諸路總管府於杭治百工之事應祥用薦爲府屬雜造局大使改金玉局大使旋升軍器局提舉司同提舉端重詳慎處鄉黨一以謙抑自持性不嗜烹宰家故饒財未嘗以口腹之欲傷物命或會親友取具於市庖人至不煩操刀見人飢寒尤矜恤之所督局工或內府需工急晝夜併作輒戒僮僕爲飲食餉之平生切於濟人利物素習岐黃書譜和劑法乃聚藥材按古方書製丸散開壽安堂藥室於郡城壽安坊貧者則施予之又以藥材之不易致者一藥或價值百金世醫往往以近似者代坐是多弗效應祥恆以爲病故居藥不計價值至藥性溫涼君臣佐

使必躬爲斟酌等分而成劑其言曰此人命所繫不可忽也垂歿猶戒其子勿輕藥事子仁壽遵遺命捐重貲購良藥致藥尤富川委山積病家非夏氏藥不用仁壽自號壽安處士在鄉黨謙抑如其父有弗給者不俟其請解推不吝里有以大宅一質錢者直與屋等久之不能贖請以屋歸之乃厚其直立券以購或曰太贏仁壽曰乘約以規利吾不爲也

徐一夔撰墓志

陳振字文學其先河南杞縣人宋南渡居錢塘父益中饒於財月給諸子錢爲日用費振獨市書博觀約守務實踐不爲虛譽年二十以詩經中鄉舉爲蘇州文學掾至正兵亂避居弁山遂家焉雖流離顛沛不廢問學性端謹妻蔣氏厄於兵難赴水死義不再娶

杭州府志

卷一百四十一

義行一

八

年三十九卒所著詩文二卷藏於家

湖州府志

明

丁保保字艾庵錢塘人元初授提領職入明以耆年賜九品服授太守廳事太守訊以政保保曰野人何知古云與衆同欲則濟儒久賤願貴之農久困願甦之政久苛覈願平之僧伽尙橫願戢之惟反古政加以寬大民咸得所矣太守敬謝年九十七卒子貴年九十亦賜九品服又三年乃終

康熙志

柴望字宗禱錢塘義溪人好修尙義有友括蒼金觀者元鄉貢進士寓居錢塘母歿貧未克葬以哀毀歿而其妻繼殞子幼三喪不能舉望毅然以爲己責乃捐家貲以治喪其力不逮則告於觀所

常往來者因得舉從其先兆葬焉人義之徐一夔爲作行義記

張輔

撰傳

朱鏞字質夫海甯人父圭以明經起家嘗捐腴田益學廩元至正末宣城貢師秦漕粟閩中道梗居海甯北郭鏞與謝肅劉中等師事之師秦航海赴閩眷序僑寓如故值兵入境鏞具舟迎其眷序至家留居東野草堂師秦還室家無恙名所居爲小桃源師秦卒鏞爲經紀其喪割地以葬別置田供祭編玩齋集及紀年錄明初詔興學杭守辟之講藝錢塘侍御史薦於朝除粵東甯遠令有惠

政

浙江通志

按朱鏞舊志作宋鏞乾隆志從省志作朱燧皆誤今從玩齋

杭州府志

卷一百四十一

義行一

九

集訂正

許文泰字泰之錢塘人與人言未嘗陽諾而陰違見人急推財救之無吝色親戚鄰里或以非義致爭奮然以義折之無不服與會稽楊維楨吳興宇文公諒柳州陸景隆洽當路者力挽之仕謝曰家本農也生長田里以耕爲樂無他慕因自號耕樂處士方國珍亂挈家避去王師旣平浙歸理田廬時令編戶民糧多者爲糧長文泰有目眚乃以屬其孫公振日暮告戒公振承命惟謹其治糧事細民德之上官稱之皆文泰訓也屬歲大祲以積憂成疾歿

徐一

夔撰墓志

沈武字宗武海甯人任俠有勇力年十四以義代舅鄭某從軍破

海寇賜三品服歸宋元以來鹺場從無倉貯因父彥聰捐地建廠
事尙草創乃廣建八十三間運鹺較他場獨便又嘗垂訓不於厥
地起租以故商旅輻輳

海甯州志

沈達字見庭海甯西路場人西路歲課視他場獨繁重達首倡捐
資三百金爲費率場丁籲御史臺求減西路課鹺使題允竈困遂
蘇歲大饑捐粟五百石活族千餘人

海甯州志

童善字復初錢塘人世有隱德父彥中寬厚仁恕與物無忤鄉人
以童佛子稱之洪武初以藝能徵善性孝友有姊寡養於家者四
十年表姪王鑑孤貧爲置居娶室資以生計外親朱詳死貧將鬻
地以葬聞之遺白金俾治喪鄰居無業者皆貸以資本弗責其償

杭州府志

卷一百四十一

義行一

十一

每隆冬作粥以食飢者五月五日製膏藥以療疾無不愈人感其

德或以縑帛報堅弗受

商格撰墓志

范元朋字肖嚴海甯布衣有隱德少年屢拒奔女兄弟爲責逋家
所窘代償之教子驥讀書有時不能舉火泊如也里閭高其行舉

鄉賓

海甯州志

劉均美號閱耕錢塘人世以醫名讀書通大義待異母幼弟如同
母旣取妻生子讓產悉與之而自構屋於北郭甘泉里以居洪武
間以閭右徙實京師仍以醫行善藥售不二價又喜施故四方持
重價走均美市藥者日無算而貧無錢走丐藥者亦無算均美且
起視丐者先之而後及市者郡人許昉遊國學貧無以自給均美

延之家昉死爲之殯殮歸其棺期年術益精活人益多譽益遠

西湖

游覽志

潘海孫昌化人好義敢爲杭郡遞運役紅船水夫歲解閩粵方物赴京師水夫復藉役勒派民不堪命海孫顛有司勿獲除憤激擊登聞鼓極言不便觸文皇怒發錦衣衛杖斃復甦曳出死於途數

邑民皆痛悼之

昌化縣志

徐觀臨安石墓嶺人永樂二年進士王府伴讀性仁慈好施濟里中有瘠田千餘畝歲旱苦無灌溉觀慷慨捐己田四十餘畝鳩工開池蓄水以資灌溉至今賴之

臨安縣志

徐昂字仲規錢塘人永樂初由舉人授兵部司務升刑部員外郎

杭州府志 卷一百四十一 義行一 十一

廉隅自守有謝指揮者饋以金昂堅卻無何致仕還過姑蘇病卒無子貧無以殮謝聞之爲具棺衾送歸葬之西湖南山石屋嶺人謂昂介特謝君長者清節高義兩無愧云

成化志 萬曆志

沈甯字怡庵海甯人永樂十五年舉人成化初以國子助教致仕爲人凝重無疾言遽色至於拯危難恤勞獨皆力行不倦鄉人朱評解兵器覆舟所司督責甚急輒以俸餘償之葛新挈家戍營州道病瀕死傾囊以贖諸生有貧病者周之被盜者解衣與之不求

人知

海甯州志

祝鼎字居正海甯人奉親孝稱長者鄉人有善行必倡而成之永樂中作祠堂於先壘左四時祭之至孫淇世乃大夙興謁祖祠畢

召子孫立庭下誘進經術師法古人鄉人有不避者惟恐淇聞

海甯

州志

周益字友諒海甯人博學負才有心計時劇盜張虎縱橫三吳將謀不軌監司莫制邑令伍服詣益咨策虎得就禽人爲驚服永樂二十二年歲饑輸粟六百石助賑授登仕郎子敬成化間前後輸粟千石旌義士賜冠帶參議吳紀表其宅

甯志餘聞

蔣誠字均美錢塘人平居嚴禮法家食百口不聞笑語聲與人交終始一致處宗族鄉邨務盡恩義卹貧殮喪嫁孤女以至橋梁宮觀之施尤所不吝有不平者求直於誠得片言悉解去將卒屬諸子姓曰讀書行善家之寶也他無所預子孫衆多而子驥孫琳最

杭州府志

卷一百四十一

義行一十二

顯

楊士奇撰墓表

凌宗載字敬輿仁人居夾城里家素饒裕與其兄正中友于甚篤兄老無子爲納側室後因望絕乃以所愛子煜後之未幾兄卒哭之慟一時感動鄉閭其友四明祝彥廣客死於杭宗載捐貲殯殮盡力以資歸櫬家有木工竊其倉鑰負米潛出爲家僮覺執見宗載宗載恐玷其人陽曰吾所與也遽釋之其尙義施惠多類此士夫以厚齋稱之

仁利縣志

許宗榮昌化人正統五年出穀四百石子俊出穀千石入百丈倉

以備賑濟博士丁智譔碑記

昌化縣志

章文瀾字靖齋昌化人曾司訓彭澤旣告歸門人歐陽一修來任

鹽運使以千金報文瀾辭弗受使散於地方貧民

昌化縣志

徐瑰字良璧海甯人所治圃故鄰嚴氏廢址垂數十年矣一歲久

雨垣崩瑰持鑿往治則垣土鏗然發視之金錢盈缶亟召嚴氏嫗

曰此汝家物也悉持去掩其坎油然而退

海甯州志

盛濂於潛人親歿哀毀幾絕兄弟五人終身不分析宣德四年邑

大荒濂出粟六百石賑濟全活甚衆輸金築黃泥堰溉田三千餘

畝建青壇橋濟人復置田爲歲修垂永久

張允修撰傳

胡瓊字靜安臨安人正統間有皇木之役前此有以是役破家者

時歲大饑民不能完公費繫獄者衆瓊輸已貲五百金以完其役

里民德之

康熙志

杭州府志

卷一百四十一

義行一

十三

吳思敬餘杭人好周人急正統六年發穀一千五百石賑濟饑民

奉勅旌表

餘杭縣志

陳昊字宏夫仁和人初贅顧氏生子鑑妻亡昊年二十五父母因

其壯蓄姬以俟昊飲泣麾之人勸其繼娶昊曰吾實有子以承祀

事忍復求偶以負吾妻耶有兩女弟皆貧而嫠昊周給之甚厚

萬曆志

志

柴萼字惟馨車元孫世爲錢塘義溪里人祖峪以廕入胄監未卒

業逝故事大臣廕子未仕例得補廕萼上疏請廕下有司寢不行

或勸借力當途曰恩出主上可幾幸耶遂拂衣歸絕意進取家用

漸落養親務極豐腆女兄弟二人皆早寡終其身周旋之俾完節

族人潛以祖塋地就人質錢雲爲代償復其地嘗再司里中版籍不敢毫髮爲奸利人尤以爲難

周詩撰墓志

張順字宏裕杭州右衛人景泰四年舉人天順初以沔陽州學正補平度州改定州順爲人高邁閒曠襟抱灑落善詩文草書能鼓琴三爲學博務以弦歌化人積官六年不遷意澹如也平生勇於爲義鄉人沈明嘗忤縣令陸樞樞欲陷之死適有井中屍竟坐明明被拷掠不得已誣服樞入覲囑丞斃之獄順聞之往告丞曰人命至重君當平反冤繫以補令闕顧可殺人以取媚耶丞悟轉聞其事於上明得不死

萬曆志湖廣通志

董慧字如魯海甯人景泰五年成化九年及十三年歲皆饑先後

杭州府志

卷一百四十一

義行一十四

輸粟至五千石有奇例授承事郎強之冠帶力辭又輸千石爲備荒計置義田二百畝贍三族勸節田六十畝給族人孤寡周急田五十畝備里社凶荒月望給貧病者人各斗米死者與之棺無所歸者葬之義冢又建橋鑿井以濟行路年七十九卒

海甯州志兩浙名賢錄

鄭環字瑤夫仁和人天順四年進士官太常寺少卿日欲迎養其母母不欲行乃留妻以代養獨處京邸或勸買妾環曰若是則以

養母給吾婦矣比歸省則妻已卒乃奉母之官終身不娶

萬曆志

孫顯宗字存義富陽人好義舉常助千金造鎮海樓成化十年遭歉歲餓夫塞途捐粟二千石以賑鬻子女者贖之稱貸者贈之賴以存活者不可指數事聞召至闕下欲官之堅辭乃賜宴光祿寺

授正七品冠帶遣還既而復命地方官咨送其孫景南以諸生入鴻詞選顯宗欲其子若孫自以勤勞致富貴率景南力辭乃已於是降勅旌表爲尙義之門樹坊當道

富陽縣志

徐誼字彥宜海甯人成化十三年海溢歲祲死徒載路誼爲作糜

舖之日給數百人全活不可勝計十七年子寬登進士

乾隆志

江瀾字文淵仁和人成化十四年進士宏治六年奉命册封荆王力卻餽贖其僕亦辭常例錢曰不欲以是汚主人也於路見覆舟亟呼左右拯之左右曰吾舟方在急奚暇急人瀾厲聲曰安有見人死不一援者卒救之初游太學日直鄉人士歿貧無以斂瀾倡義竭已貲歸其喪在官三十餘年不治產業惟濟人急卒贈太子

杭州府志 卷一百四十一 義行一 十五

少保諡文昭祀鄉賢

萬曆志兩浙名賢錄

徐寬字栗夫海甯人成化十七年進士授工部主事調禮部以清節自勵年未四十卽挂冠歸孝友敦睦出於天性父義嘗發粟賑

飢踵而行之嫁鄰女之貧者其卒也楊守陳志其墓

兩浙名賢錄

羅善新城人成化十九年浙西被災新邑尤甚善首倡捐賑三百

石勅賜義門知縣何善爲立石禮部尙書鄒幹作記

新城縣志

鄒鯉字躍川臨安人言愨行方有人倫鑑邑人鮑龍張振先爲諸生時極貧鯉卽知其大器凡書資試費恆爲之助後俱成進士爲

名宦人比之鮑叔

康熙志

吳定遠錢塘人嘗於湖州墅孔公銓家買客柏油五十擔計直當

百金立券三日發油半月歸直券成次日客遇火定遠率人往救之至則油室已燄燄矣客哭曰油故他人物今何以償有死耳踊躍欲赴火定遠急抱止之曰油既有成券卽我貨矣若何與半月後來取直耳客猶未信定遠因與俱歸數日卽措銀如券歸之客拜祝泣謝去子瓚登宏治三年進士官至通州守

萬曆志

鄭魁字文光仁和人季父官京府無嗣卒奔涉千里輿櫬以歸處鄉曲以和人有以金誣之者殫力償之曰無使直不疑專美於前事竟白其誠篤類此

邵經濟述墓碣

應孟暄字德輝錢塘人事伯兄如父白首無閒言夫妻賓敬雖無子不置側室然以四昆而并乏一嗣皆以女代女夫休甯吳奎以

杭州府志

卷一百四十一

義行一十六

應姓入杭庠嘉靖十四年進士累官福州知府迎養孟暄事之如

父而孟暄於其成進士時命加本姓於上爲吳應奎云

邵經邦撰墓志

席福貴於潛人周卹鄉里咸感其德宏治三年輸粟五百石助賑

全活甚衆四川左布政使楊文琳撰碑以彰其義

於潛縣志

徐潭字汝容錢塘人宏治六年進士嘗以按察司副使備兵辰沅豪貴陶倫罪當死以千金賂潭堅卻之持益急後倫走賂代事者竟得縱而潭反被深文名遂罷歸囊橐蕭然居無華屋出無輿從性耿介一毫不苟取然好義樂施赴親友之急輒傾貲與之雖至

空匱弗渝也

萬曆志兩浙名賢錄

戴鉷昌化人宏治十七年俞東明作亂鉷與兄鑑弟銓結衆爲禦

閭里賴以保全邑大饑吏沈江罔令籍饑民姓名鉅白於參政筮

江死疏劾昌化令去而饑者始得實賑

昌化縣志

馮悅字景和錢塘人宏治中有緡雲施三寄二百金於悅家施歸而卒其子不知也久之悅呼施子雲還之封識如故雲欲讓其半

悅拒不受

萬曆志

唐琳海甯人宏治間貢生任大名訓導持身端肅孝友無間嘗道

拾遺金而不私士論多之祀鄉賢

海甯縣志

翁鐘字子聲仁和人多盛德戚屬貸貲必倩爲左證不能償者率代償之環里而居者飢取食寒取衣婚嫁死葬取貲俱不置券卽

有券而人負之亦不校

李維楨吳遵梅撰傳

杭州府志 卷一百四十一 義行一 十七

徐州字牧之仁和人築室西溪奉父與異母弟羣處推產與之有贏給宗黨女字吳氏旣而吳被橫難家口遣戍州不肯盟遣女同

行

蔡汝楠撰墓志

林受字子謙錢塘諸生太平府經歷善任人擇謹信者躬載重貲遣之賈恣所爲不過問與同苦樂聽其自饒尊禮士大夫當人盛時不妄納交遇衰落急難之際則捐貲周護肫然有古長者風身後遺令分家財之半及所親紀綱之僕亦河潤有差

吳鼎撰墓志

施魯仁和人爲荆府長史正德五年荆王疏魯賢請增秩四品劉瑾基之矯奪魯官勒歸故郡瑾伏誅有詔徵魯復用魯不應召遂終老於家無一畦尺椽之藉東西僑賃不常非其義不受也嘗有